
Fra: Heidi Bjønnes Larsen <Heidi.Bjonnes.Larsen@hfk.no>
Sendt: onsdag 7. august 2019 10:42
Til: Kommunane i Hordaland - Alle
Emne: Jordmassar frå problem til ressurs, oversending av rettleiarar
Vedlegg: Rettleiar+-+Jordmassar+-+siste+versjon_spread.pdf

Hei.

Fylkestinget i Hordaland ynskjer å redusere nedbygging av jordbruksareal i Hordaland. Det stadfesta fylkestinget då dei vedtok «*Temaplan for landbruk i Hordaland 2018-2022*» juni 2018. «*Temaplan for landbruk i Hordaland 2018-2022*» skal bidra til å sikre og vidareutvikle landbruket i Hordaland. For å gjere dette er det sett tre hovudmål: styrkje lønsemda i Hordalandslandbruket, auke produksjonen på lokale ressursar og betre rekrutteringa til landbruket. Temaplanen er delt inn i fire tema som bygger opp rundt hovudmålet til temaplanen. Tema er: areal- og ressursgrunnlag, auka lønsemd i noverande produksjonar, kompetanse of rekruttering og drivarar for endring. Her er lenke til [«*Temaplan for landbruk i Hordaland 2018-2022*»](#).

Eit av innsatsområda under tema areal- og ressursgrunnlag er: «Sikre gode planar for massehandtering, basert på god agronomi, i alle kommunar». Eit av tiltaka knytt til dette innsatsområdet er å sikre at alle kommunar og andre relevante aktørar i fylket har tilgang til handbøkene «*Jordmassar frå problem til ressurs- rettleiar for offentleg forvaltning*» og «*Jordmassar frå problem til ressurs – Praktisk og faglig veileder*».

Målet med rettleiaren «*Jordmassar frå problem til ressurs- rettleiar for offentleg forvaltning*» er å gjere grunneigarane, entreprenørane og forvaltninga i stand til å vera i forkant og handtere masseoverskotet som ein ressurs - som det faktisk er - i staden for eit problem. Å vere i forkant betyr i denne samanhengen å vere tidleg inne i plan- og enkeltsaker der massehandtering er/bør vere tema. Rettleiaren er lagt ved som pdf.

Rettleiaren «*Jordmassar frå problem til ressurs – Praktisk og faglig veileder*» er utarbeida av Norsk landbruksrådgiving og NIBIO. Dersom ein blir tvungen til å nytta jordbruksareal for å møte andre samfunnsbehov, skal det settast i verk avbøtande eller kompensierende tiltak. Eit slikt føremål kan vere å lage nytt jordbruksareal, eller forbetre noverande areal som kanskje elles ville blitt teke ut av produksjon. Føremålet med handboka er å sjå på framgangsmåtar for å flytte matjord utan at kvaliteten blir forringa, samt på framgangsmåtar ved mellombels tiltak på dyrka mark.

Rettleiaren «*Jordmassar frå problem til ressurs – Praktisk og faglig veileder*» kjem i ein lang og ein kort versjon.

Her er lenke til [langversjonen](#).

Her er lenke til [kortversjonen](#).

Venleg helsing

Heidi Bjønnes Larsen

seniorrådgjevar

Regionalavdelinga | seksjon for nærings- og lokalsamfunnsutvikling



Mob: 996 13 868

www.hordaland.no

